

КАНОНЫ БОЖИЕЙ МАТЕРИ НА КАЖДЫЙ ДЕНЬ

Расположенные по гласам и дням седмицы

ГЛАС ПЯТЫЙ

В СУББОТУ	1
В НЕДЕЛЮ	3
В ПОНЕДЕЛЬНИК	6
ВО ВТОРНИК	8
В СРЕДУ	11
В ЧЕТВЕРТОК	13
В ПЯТОК	15

В СУББОТУ¹

Канон Пресвятей Богородице

Песнь 1

Ирмос: Коня́ и вса́дника в мо́ре Чермное́, сокруша́яй бра́ни мы́шцею высо́кою, Христос истрясé: Изра́иля же спасé, побéдную песнь пою́ща.

Припев: Пресвята́я Богородице, спаси́ нас.

Песнь Ти по досто́янию приноси́ти, Влады́чице, недоуме́ем вси: сла́ва бо па́че всех Тво́я. Но о́баче, Богоневéсто, не омерзи́ моле́ние, приносимо́е со стра́хом и любóвию Тебе́.

Вси к воде́ Твоего́ неоску́днаго исто́чника, Богороди́це Де́во, притека́ем, зову́ще: Еди́на Ра́досте ро́ду на́шему, Пречи́стая, испроси́ мир Це́рквам Твои́м.

Слава: Положи́ Тя пристáнище сущим в беда́х, Чи́стая, Бог, Иже от Тебе́ благоволи́вый восприя́ти плоть. Те́мже Ти припада́юще взыва́ем: да́руй Твои́м рабо́м Твою́ по́мощь.

И ны́не: Облегче́ние Тво́я моли́тва, Де́во Пречи́стая, Твои́м рабо́м да бу́дет, страсте́й отгна́ние, грехо́в разруше́ние и вся́ческих боле́зней, Богороди́тельнице, очище́ние.

Песнь 3

Ирмос: Водрузи́вый на ничесом́же зéмлю повеле́нием Твои́м и повеси́вый неодо́ержимо тяготе́ющую, на недви́жимем, Христé, ка́мени за́поведей Твои́х Це́рковь Твою́ утверди́, Еди́не Бла́же и Человеколю́бче.

Ты еси́ земноро́дных упова́ние, и по́мощь и ра́дость, покрóв и прибе́жище, Влады́чице Ма́ти Живота́. Те́мже Тя мо́лим: Твою́ по́мощь низпосли́ всем пою́щим Тя, Пречи́стая.

Недугу́ющих, и напáстыми лю́тыми одержи́мии, Вседéтелю Ще́дрый, Иже вся́ческих, Бо́же, Пречи́стую сень Твою́ Ма́терь, Спа́се, на мольбу́ Ти приво́дим:

¹ Т. е. канон следует читать в субботу вечером, под воскресенье. Все каноны читаются вечером указанного дня. Слово «молебный» в названии канона означает, что Устав предполагает его исполнение на молебне.

разреші пленицы прегрешений наших.

Слава: Всех Содержителя и Зиждителя и Господа рождающая Единая, и девствующи, иже воистинну Тя Божию Матерь славят, спасение Богоневесто, подаждь свыше рабам Твоим.

И ныне: Вод животворных мя исполни, Владычице, Божественную воду миру источившая: и беззаконий моих лютыя потоки и сердца моего волны Божественною Твоею тишиною укроти.

Песнь 4

Ирмос: Божественное Твое разумев истощание, прозорливо Аввакум, Христэ, со трепетом вопиаше Тебэ: во спасение людей Твоих спасти помазанныя Твоя пришел еси.

Яко всех вышшу сущую тварей, Тя Бог сущим на земли дарова, еже к Нему ходатайствы виновну, Богородице Препетая.

Церковь Тя Божию ведуще, Дево Мати, прилежно молимся, Тебэ чтущии: не затвори рабам Твоим, Богородице, Твоея милости дверей.

Слава: Тя вси Божию ведуще преукрашену воистинну одежду, Мати браконейская, иже Тя чтущии просим: во оставления одежду облещи нас.

И ныне: Мир в Рождестве Твоем, Пречистая, весь исполни радости: отнеже, еже радуясь, великий Тебэ, Дево Мати Марие, свыше Гавриил возгласи.

Песнь 5

Ирмос: Одейся светом яко ризою, к Тебэ утренюю и Тебэ зову: душу мою просвети омраченную, Христэ, яко Един Благоутробен.

Воистину наказуемся, не по равенству же долга согрешений наших: но, о Дево Мати Пречистая, отвори весь гнев Сына Твоего от нас.

Единого изведшаго свет от тьмы, Чистая, Бога рождши неискусобратно, прилежно моли Его низпослати Божественный свет рабам Твоим.

Слава: О кажения молитвы Твоея, Чистая и Божественная Невесто от Ливана, Юже Соломон прорече, рабы Твоя Мати Зиждителя, благоухай.

И ныне: Ты Правду же и Избавление нам рождши, Христа, без семени, свободно содеяла еси, Богородице, от клятвы естество прадеднее.

Песнь 6

Ирмос: Нейсуществующееся бурею душеленною, Владыко Христэ, страстей море укроти и от тли возведи мя, яко Благоутробен.

Богородице Владычице, рождающая Содетеля, Твоим рабам испроси оставление и державны нас воздвигни, во еже пети Тя.

Буди нам помощь, Твоим рабам, Владычице Чистая, верно молящим Тя, яко милостива: и державны нас воздвигни, во еже пети Тя.

Слава: По достоянию имущи, еже мощи, Владычице Чистая, Твоим милостивным оком призри и от тли нас, Твоя рабы, возведи.

И ныне: Непрестанно точащи щедрот струй, Благая, просящим, одожди и мне свет заповедей Твоего Сына, Пренепорочная.

Таже: Господи помилуй, *трижды.* Слава, и ныне

Седален, глас 5:

Всесвятая Дево, помилуй нас, прибегающих верою к Тебэ, милосердой, и просящих тэплага Твоего заступления: можеш бо всех спасти, яко Благая сущи, Мати Бога Вышняго, Матерними Твоими молитвами присно объеми, Дево

Богора́дованная.

Песнь 7

Ирмос: Превозноси́мый отце́в Госпо́дь пла́мень угаси́, о́троки ороси́, согла́сно пою́щая: Бо́же, благослове́н еси́.

Неизсле́дная Бо́жия Му́дросте, Христе́, рабы́ Твоя́ уще́дри, Ро́ждшия Тя ра́ди, непреста́нно пою́щая: Бо́же, благослове́н еси́.

Твою́ бла́гость мо́лим, Го́споди, я́зву исцели́ Ро́ждшия Тя ра́ди со стра́хом пою́щих: Бо́же, благослове́н еси́.

Слава: Оком ми́лостивным Твои́м, Богома́ти, при́зри и изба́ви рабы́ Твоя́ вся́кого обстоя́ния, ве́рою пою́щая: Бо́же, благослове́н еси́.

И ны́не: Зло де́лающе, Влады́чице, от Тебе́ отпадо́хом: но обрето́хом Пречи́стая, а́бие по́мощь Твою́, внегда́ зва́ти: Бо́же, благослове́н еси́.

Песнь 8

Ирмос: Из Отца́ пре́жде век ро́жденнаго Сы́на и Бо́га, и в послéдняя лéта воплоще́ннаго от Дéвы Ма́тере, священни́цы, пойте́, лю́дие, превозноси́те во вся ве́ки.

Влады́чице на́ша, благих подáтельница, рабо́м Твои́м да́руй страсте́й исцеле́ние: я́ко да непреста́нно поём Тя, Дéво, и превозноси́м во ве́ки.

Неизглаго́ланно, Чи́стая, Изба́вителя ро́ждши, несказа́нно дои́ла еси́, Дева пребыв́ши. Егóже у́бо моли́ о пою́щих Тя и славосло́влящих во вся ве́ки.

Слава: Тебе́ свéтлому Изба́вителя свéщнику, прекра́сный сплétше лик, поём: вся дела́ Господня́, пойте́ непреста́нно Дéву Мари́ю и превозноси́те Ю́ во ве́ки.

И ны́не: Чи́стая Агни́це, Дéво Ма́ти Отрокови́це, чи́ста мя сотвори́ от страсте́й телéсных, я́ко да льсти́ваго изба́влюся сетей́, песносло́вья Тя, Богора́дованная.

Песнь 9

Ирмос: Иса́ие, лику́й: Дéва имé во чре́ве и роди́ Сы́на Емману́ила, Бо́га же и Челове́ка, Восто́к имя́ Ему́: Егóже велича́юще, Дéву ублажа́ем.

Соверша́ется пéние у́бо, наде́жда же, Влады́ко Христе́, непрехо́дна, я́же к Тебе́ Содо́телю, я́коже и благода́ть Твоя́: но ото́боюду си́лу крèпку давай рабо́м Твои́м, моли́твами Ро́ждшия Тя.

Недугу́ющим си́ла и боля́щим близ Ты, Чи́стая, еси́, я́ко и́стинная Ма́ти Жизни: те́мже к Тебе́ прибега́юще, премене́ние всех ско́рбных обрето́хом, Влады́чице, и кро́вом Твои́м спаса́хомся.

Слава: Твой Боже́ственный ви́дяще обра́зно, Влады́чице, зрак, зрим Тя в нем я́коже я́ве, вся́ко ненави́дяще ерети́к безу́мие на земли́: ему́же припада́юще, исцеле́ние прие́млем.

И ны́не: Исцеле́нием бе́здну, и благода́тем пучи́ну, Чи́стая, позна́хом Тя мы грéшнии. Те́мже Ти мо́лимся: от ну́жных всех изми́, Еди́на Пречи́стая, притека́ющих к покрóву Твоему́.

В НЕДЕЛЮ

Канон молебный Пресвятей Богородице

Песнь 1

Ирмос: Коня́ и вса́дника в мо́ре Чермное́, сокруша́яй бра́ни мы́шцею висо́кою, Христос истрясé: Изра́иля же спасé, побéдную песнь пою́ща.

Припев: Пресвята́я Богороди́це, спаси́ нас.

Чудо в Тебѣ совершается, Дѣво, воистинну ужасно: яко во утробѣ Твоей никакоже Вместимаго имела еси и несказанно родила еси, Приснодѣвою пребывши.

Одожди ми, Владычице, прегрешений оставление, Яже Дождь Небесный, пришедший к Тебѣ, неизглаголанно вместила еси и Дѣвою пребыла еси по Рождествѣ непостижнем.

Слава: Еди́на благословенная и Богора́дованная, Яже радость человеком рожда́ющая неизреченную, печали отыми́ души моея, молю́ся, и возвесели́ сердце мое́.

И ныне: Весь желаніе и сладость жизни, Иже от Тебѣ возсия́вый за премно́гую бла́гость, Дѣво Пренепоро́чная: Егѡже моли́ спасти́ мя, непрестанно ны́не Тя сла́влящаго.

Песнь 3

Ирмос: Водрузи́вый на ничесомже зѣмлю повелѣнием Твоим и повѣсивый неодоли́мо тяготеющую, на недвижимем Христѣ, ка́мени заповедей Твоих Цѣрковь Твою́ утверди́, Еди́не Бла́же и Человеколю́бче.

Преидо́ша се́нем законотвори́мая: Законода́вца бо Христа́ родила еси́ Пречи́стая, благода́ть очище́ния и просвеще́ния нам взако́нившаго, и от клятвы изъѣмшаго, Дѣво Всенепоро́чная.

Роди́ся от Тебѣ, Чи́стая, Бог воплоща́емъ, и плотию ви́ден бысть, Иже прѣжде невиди́мый. Сего́ у́бо моли́ приле́жно, Отрокови́це, от ви́димых и невидимых враг мя изба́вити, свѣтло Тя сла́влящаго.

Слава: Страсте́й мя лю́та обурева́ет волна́, лука́вых духо́в глубина́ одержит́ мя, грехо́вная бу́ря смуща́ет ми се́рдце: Богороди́тельнице, Ты мя утверди́, свѣтло Тя пою́щаго.

И ныне: Божѣственнаго Гаври́ила чинонача́льника иму́ще, благоговѣ́нно е́же раду́йся, ве́рою приводи́м согласно́, неискусобра́чней Ма́тери Богороди́це верно: Ею́же бед же и скорбе́й, и недугъ изба́вляемъся.

Песнь 4

Ирмос: Божѣственное Твое́ разумѣв исто́щание, прозорли́во Авваку́м, Христѣ, со трѣпетомъ вопи́яше Тебѣ: во спасѣние люде́й Твоихъ спасти́ пома́занныя Твоя́ пришѣл еси́.

Истка́вшая внутрь от крове́й Твоихъ девическихъ Не́бо о́блаки, Дѣво, Одева́ющая оде́ждою нетлѣ́ния, прѣжде ле́стиею обнаже́ннаго мя облещи́.

Утроба́ Твоя́, Дѣво, пала́та свята́ Царя́ и Бо́га несказанна́ бысть, в ню́же всели́вся, цѣркви нас соде́ла.

Слава: Ущѣдри, ще́дра су́щи преокая́нную мою́ ду́шу, Богороди́тельнице Всенепоро́чная, ю́же от страсте́й и греха́ лю́те очерне́вшую и оцепене́вшую.

И ныне: Нетлѣ́ннаго Ца́рства возсия́ла еси́, ски́петро, от ко́рене Иессѣова, и ражда́еши Отроча́ безму́жно, Чи́стая, Ада́мова и Дави́дова Бо́га, вку́пе и Зижди́теля и Го́спода.

Песнь 5

Ирмос: Оде́йся свѣ́том яко́ ризою, к Тебѣ́ у́треннюю и Тебѣ́ зову́: ду́шу мою́ просвети́ омраче́нную, Христѣ, яко́ Единъ Благоутро́бен.

Пребыва́еши по Рождествѣ́ Дѣва́ нетлѣ́нна, истле́вшихъ всехъ челове́к к жи́зни приводи́ши и нетлѣ́нием осия́ваеши, Пренепоро́чная.

Но́во родила́ еси́, яко́ мла́дя, Пречи́стая, Предвѣ́чнаго от Отца́ безлѣ́тно возсия́вшаго, Егѡже о ми́ре моли́, Богоневѣ́сто.

Слава: Да обря́щу Тя помо́щницу, Дѣво, изыма́ющую мя в часъ прѣ́ния су́днаго, егда́ на суди́щи предста́ну от Тебѣ́ Ро́ждшагося.

И ныне: Вся, Ближняя Моя добра и непорочна¹, от Ливана, Деве Богоневесто: Святым Духом в Тебе проведется воплощение Сына Божия.

Песнь 6

Ирмос: Неистовствующееся бурю душеленною, Владыко Христе, страстей море укроти и от тли возведи мя, яко Благоутробен.

Неискусóмужно родила еси, Богородице, Еммануила, наше смирение ущедрившего: темже приснодолжно Тя славим.

Паче ума безлетнаго, паче слова Зиждителя, Пресвятая, родила еси, избавляющего всякия тли Богородицу Тя поющих.

Слава: Благого рождши Благодетеля и Зиждителя, Пресвятая Владычице благолюбивая, душу мою озлобленную ублажи.

И ныне: Новое Тебе похваление и древнее приносим, Всечистая: лучше бо не имамы к похвалению, разве, радуйся, еже с Гавриилом Тебе воспеваем.

Таже, Господи помилуй, *трижды*. Слава, и ныне

Седален, глас 5:

Себе прежде суда ныне плачу, помышляя моя дела лукавая и лютая, и прегрешений глубину, одержающую мя от юности и подавляющую ум: но Твоим, Чистая, предстанием оставление ми подаждь и спасение улучити сподоби.

Песнь 7

Ирмос: Превозносимый отец Господь пламень угаси, отроки ороси, согласно поющая: Боже, благословен еси.

Избави мя, Пречистая, злаго уныния и страстей омрачения, и осуждения вечнующаго: яко да верою Тя славлю.

Умертви страсти моя, Яже Жизнь рождающая: воздвигни мя, Богоневесто, лежащаго, из гроба нечувствия, да любовью Тя славлю.

Слава: Плотию обложена Бога безплотнаго, Пренепорочная, родила еси, нас избавляющего, со страхом поющих: Боже, благословен еси.

И ныне: Исцеление безмездно, Чистую Твою молитву обретше, Деве, просим, поюще, души благопременения и телеси здравия.

Песнь 8

Ирмос: Тебе, Вседетелю, в печи отроцы, всемирный лик сплетше, пояху: дела всякая, Господа пойте и превозносите во вся веки.

Двере света, покаяния ми двери светозарныя отверзи, показующи всяк правый путь правды, вводящ в Божественныя воли входы.

Ново на земли, Деве Мати, Отроча, Отцу собезначальнаго Сына родила еси, за милосердие неизреченное уподобльшагося нам, истлвшим под грехом.

Слава: Вся избрана, вся преукрашена, Бог Юже возлюбил, Юже избра, явилася еси, Деве, присно препрославленная: темже Тя поем, Чистая, во веки.

И ныне: Вся Чистая и Божественныя славы исполнена, Ближняя Моя, рече Дух Божий, Тя провозвещая, Пречистая, Юже песнями воспеваем, поюще: Тебе подобает радоватися, Бога Человека рождшей.

¹ Ср.: Песнь песней 4:7.

Песнь 9

Ирмос: Иса́ие, ликуй: Де́ва имé во чре́ве и роди́ Сы́на Емману́ила, Бо́га же и Чело́века, Восто́к и́мя Ему: Егóже велича́юще, Де́ву ублажа́ем.

Твои́х притека́телей, Всечи́стая, не отри́ни ны́не: воздыха́ния, но воззри́ на ны́ сущи́х в ско́рбех, плач преложи́ на ра́дость и умилéние в весе́лие, в пéснях Тя пою́щих.

Осно́вание еси́ недви́жимо, Спа́са рóждши, Чи́стая, на вода́х зéмлю Божéственными велéнии основáвшего: на нёмже нас свéтло, Тя блажа́щих, утверди́ти моли́ся.

Слава: Па́че ума́ Рожде́ство Твое́, Богороди́це, без му́жа бо зача́тие в Тебе́, и де́вственно Рожде́ство Твое́ бысть: и́бо Бог есть рожде́йся, Егóже велича́юще, рóждшую Тя ублажа́ем.

И ны́не: Стра́шен еси́, Го́споди, и кто́ убо тогда́ постои́т прещéния Твоего́, Христé, Еди́не Царю́, суд творя́щу Ти? Те́мже пощади́ и спаси́ мя, Спа́се, Рóждшия Тя благоприя́тными мольба́ми.

В ПОНЕДЕЛЬНИК Канон Пресвятей Богородице

Песнь 1

Ирмос: Коня́ и вса́дника в мо́ре Чермно́е, сокруша́яй бра́ни мьшцею высо́кою, Христóс истрясé: Изра́иля же спасé, побéдную пeснь пою́ща.

Припев: Пресвята́я Богороди́це, спаси́ нас.

Дух сокруше́н пода́ждь ми, Благо́ая, смире́ние се́рдцу, уму́ же чистоту́, и жити́ю исправле́ние, и прегрешéний оставле́ние, и слез исто́чники, Пренепоро́чная.

Виждь мою́ беду́ и умилéние, и дрéвних прегрешéний исцели́ стру́пы, и вре́мя ми пока́яния да́руй, и грехо́в испове́дание.

Слава: Себе́ пла́чу прэ́жде исхо́да моего́, помышля́я зол мои́х бездну́, Всенепоро́чная. Те́мже молю́ся Ти: Сы́на Твоего́ умоли́ изба́вите мя му́ки.

И ны́не: Имúщи пока́яния вре́мя, отступи́ от вся́кия зло́бы, душе́ моя́, и Зижди́телю Твоему́ со слеза́ми возопи́й: Бо́же мой, спаси́ мя мольба́ми Рóждшия Тя.

Песнь 3

Ирмос: Водрузи́вый на ничесóмже зéмлю повелéнием Твои́м и повеси́вый неоде́ржи́мо тяготéющую, на недви́жимем Христé, ка́мени за́поведей Твои́х Це́рковь Твою́ утверди́, Еди́не Бла́же и Чело́веколю́бче.

Страсте́й мои́х нача́льницы объ́яша мя, Пречи́стая и, е́же по о́бразу и по подо́бию сотворéннаго мя Бо́жию, испо́лниша студа́: но сих вре́да изба́ви мя, во умилéнии пою́щаго Тя.

Лука́вно враг улови́ти мя тщи́тся, вéчнующаго пла́мене попале́ние показáти мя хотя́, Пречи́стая: но сего́ кова́рствия и сове́ты разори́, да Тя сла́влю, раду́ясь.

Слава : В ров преиспо́дний льсти́вно мя положи́ша мно́гих согрешéний врази́ пра́ведных: я́ко беспомо́щен же ны́не, и уязвлен весь, призыва́ю моли́тву Твою́, Влады́чице Пренепоро́чная, спаси́ мя.

И ны́не: В ле́ности жизнь ижди́х ока́янный, ны́не к сме́ртным двере́м прибли́жися, и вра́жиих наве́т ужаса́ясь, вопию́ Ти: искуше́ний сих изба́ви мя, да Тя сла́влю, спаса́емь.

Песнь 4

Ирмос: Божественное Твое разумев истощание, прозорливо Аввакум, Христэ, со трепетом вопиаше Тебэ: во спасение людей Твоих спасті помазанныя Твоя пришёл еси.

Уязвихся стрелами греховными, и всего телесе рану ныне обношу. Темже зову Ти, Пречистая: Твоих молитв скоростию язвы души моея исцели.

Помилуй, Чистая, рабы Твоя: Тебэ бо ходатаицу к Богу стяжахом, и молимся избавитися всякия нужды и вечнующаго мучения.

Слава: Надежда и щит и утверждение Ты мне еси, Благая, и лютых избавление, и просвещение души моей, и хвала, и стена, и держава.

И ныне: Блудно расточих богатство добрых дел, еже ми Христос, яко благ, дарова: да не презриши убо мене, Пречистая Отроковице, гладом погибающаго.

Песнь 5

Ирмос: Одейся светом яко ризою, к Тебэ утренюю и Тебэ зову: душу мою просвети омраченную, Христэ, яко Един Благоутробен.

Виждь, Владычице, немощь смиренныя моея души и плоти моея изнеможение, и ума моего пленение, и ненадежнаго спаси мя.

Бога, Егже родила еси, моли всегда спасті всех нас, Богородицу Тя исповедующих, и славословящих Рождество Твое, Пречистая.

Слава: Кто не блажит Тебэ, Всенепорочную? Творца бо всего мира Спаса Христа и Единого Владыку несказанно родила еси.

И ныне: Струй мне низпосли слез, Пречистая, имиже скверны и враски¹ грехов моих омыв, пою множество Твоея благодати.

Песнь 6

Ирмос: Нейсуществующея бурю душеленною, Владыко Христэ, страстей море укроти и от гли возведи мя, яко Благоутробен.

Во глубину ввергохся прегрешений и беззаконий: но простри руку Твою, Всенепорочная, и от ада возведи мя нечаяния.

Множество веси согрешений и помысл, смущающих мя: темже ускори и избави мя сих, Пречистая.

Слава: Пощади мя раба Твоего, Владыко Христэ, мольбами чисто Родшия Тя, егда хощеши судити миру, егже создал еси.

И ныне: Во глубину низвлечеса прегрешений, Владычице Чистая, душа моя, снесь бывши бесом: темже ненадежно спаси мя.

Таже: Господи помилуй, *трижды.* Слава, и ныне

Седален, глас 5:

Подобен: Собезначальное Слово:

Души моея страсти многоболезненныя и плоти моея недуги вскорé исцели, ума моего блужения устави, Пренепорочная. И в тишине помысла молитвы принести чисты Царю всяческим сподоби, Богородице, и испросити согрешений оставление.

Песнь 7

Ирмос: Превозносимый отецв Господь пламень угаси, отроки ороси, согласно поюция: Боже, благословен еси.

¹ Морщины; шире – всякий недостаток или порок.

Егда приму во ум мой безместных моих деяний множество прегрешений, Всенепорочная, боюсь и ужасаюсь: от нихже мя Твоими молитвами свободи, Дево.

Червь неусыпный и огонь неугасимый, истаивает мя всегда и снедает мою душу, да не приму сих искуса, Пресвятая Богородице.

Слава: Тьмы кромешния и страшнаго мучения, раба Твоего, избави мя, Дево Всенепорочная, вопиющая Сыну Твоему: Боже, благословен еси.

И ныне: Плоть убо оскверних срамными страстьми, ум же помрачих скверными мысльми: но ущедри, Чистая, и спаси мя, непотребнаго раба Твоего.

Песнь 8

Ирмос: Тебе, Вседетелю, в пещи отроцы, всемирный лик сплетше, пояху: дела всякая, Господа пойте и превозносите во вся веки.

Тебе, Богородице, немощное смиренные моея души приношу, и сердца моего неможение, и ума моего прелесть возвещаю, Твоея помощи прося, Дево.

Милостив буди Твоим рабом, Слове, молитвами Рождшия Тя, и спаси поющих: вся дела Господня, Господа пойте и превозносите Его во веки.

Слава: Иже Волителя Рождшая милости, помилуй всех, верою поющих: вся дела Господня, Господа пойте и превозносите Его во веки.

И ныне: Избави мя кромешния тьмы и неусыпающаго червня, Благая Дево: Ты бо родила еси Творца миру: вся бо, елика хощет, и творит Твоими молитвами.

Песнь 9

Ирмос: Исание, ликуй: Дева име во чреве и роди Сына Еммануила, Бога же и Человека, Восток имя Ему: Егоже величающе, Деву ублажаем.

Бога, Егоже родила еси неизреченно, Владычице Чистая, моли прилежно избавити нас от бед и скорбей, и будущаго Суда страшнаго: и светлости святых Его сподоби.

Паче всех согреших, преслушав Твоя заповеди, Христэ, животворная, и уподобихся безсловесным скотом: но Твоея Матере, Слове, молитвами, непокаянна от жития не исторгни мене.

Слава: Яко милости бездну рождающая Слова Божия, помилуй, Благая, всех души, под кров Твой прибегающих: Тя бо к Богу вси стяжанием предстательницу непостыдну.

И ныне: Очищение и оставление прегрешений испроси нам, и всех нуждных пременение, и жития исправление ныне чисто и световидно: да прославляем, Богомати, многую Твою благодать.

ВО ВТОРНИК Канон Пресвятей Богородице

Песнь 1

Ирмос: Коня и всадника в море Чермное, сокрушавая брани мышцею высокою, Христос истряс: Израиля же спасе, победную песнь поюща.

Припев: Пресвятая Богородице, спаси нас.

Твоих раб из глубины сердца молитвы верно приносимыя Ти, Богородице, приеми: и сия приносящи Сыну Твоему, подаждь прегрешений оставление.

Яко воистинну Благодательница сущи, богатящи земнородных и, спасения Двере, к жизни вводящи, Дево Богомати, предстоящи всегда, не престаи о молящих Тя.

Слава: Ныне преклоншися певец Твоих мольбами, яко держвна ко спасению сущи помощь: от бед молитвами Твоими изъеми, Владычице, целы сохрани почитающия

Тя.

И ныне: Предваривши вскоре и предстоящи тепле, Пресвятая Дево, зело одержимых нас лютыми обстоянии, умилившись, избави и от печали свободи.

Песнь 3

Ирмос: Водрузивый на ничесомже землю повелением Твоим и повесивый неодолимо тяготеющую, на недвижимем Христе, камени заповедей Твоих Церковь Твою утверди, Единое Блаже и Человеколюбче.

Света Твоего бодренною Божественною мольбою темный облак сердца моего, Мати Божия, озаривши, Сына дне покажи мя, добро детельми просвещена, Световодительнице душам нашим.

Пети Тя по достоянию желающе присно обаче недоумеюще, хвалу от устен приносим худых, юже благопременно прими и мольбам послушница буди верно молящимся Ти.

Слава: Доброплодны неплодны души показующи и оляденевшее очищающи Твоею молитвою, и мою душу плод дающую веру и житие нескверно, Ты, Богородительнице, покажи.

И ныне: Иже вся земля горстию Содержай концы, како Матерними недрами объёмлется? Млеко же питается от сосец, насыщая всяко животное благоволения: и богатый изливанием обнищавает, воплощаемь.

Песнь 4

Ирмос: Божественное Твое разумев истощание, прозорливо Аввакум, Христе, со трепетом вопияше Тебе: во спасение людей Твоих спасти помазанныя Твоя пришел еси.

Яко Едину Тя к Богу ходатаицу ведуще, согрешений долги разрешающую повинным, Пречистая, хвалами и песнями почитаем.

Церковь освященную Тя показав, вселься в Тя Бог, Дево Пренепорочная: Егоже присно моли соблюсти невредны рабы Твоя.

Слава: Мольбу нищих услыши, уповающих на Тя, Богородице, и ускори от бед избавити нас Матерними Твоими дерзновениями.

И ныне: В скорбех сладкое утешение и в напастех помощь, и в бедах предстательницу Тя, Мати Божия, стяжавше, озлоблений всяких избавляемся.

Песнь 5

Ирмос: Одейся светом яко ризою, к Тебе утренюю и Тебе зову: душу мою просвети омраченную, Христе, яко Един Благоутробен.

Иже Первоначального в лето породивши, во описанней плоти, воистинну естеством неописанного: Того моли непрестанно о рабах Твоих.

Ты приближаешься вскоре сущим в нуждах, присно помогающи и управляющи призывающия Тя во искушениях ко спасению, Пречистая.

Слава: Милостива естеством, милосердаго Бога молитвами показавши, подаждь Твоим рабам мирную жизнь и прегрешений избавление Пренепорочная.

И ныне: Угль рождающая, Егоже узре Исаия, попали ми вещи, Всенепорочная, согрешений и просвети мя, молюся.

Песнь 6

Ирмос: Неистовствующееся бурю душегубную, Владыко Христе, страстей море укроти и от тли возведи мя, яко Благоутробен.

Умерщвленных нас страстьми греха, Владычице, возставивши, оживи молитвами Твоими, яко тли Потребителя рождающая.

Нелестно упование Тя, и необориму стену на враги, и тверду имуще помощь, на ны наветов не убоимся.

Слава: Земнородным предстани в болезнях присно, Чистая: и лютых увядающих Твоя служители невредны сохрани.

И ныне: Душу мою просвети, омрачившуюся облаком помышлений, находящихся ми, Богоневесто, наветом человекоубийцы беса.

Таже: Господи помилуй, *трижды*. Слава, и ныне

Седален, глас 5:

Крестом Сына Твоего, Богоблагодатная, идольская прелесть вся упразднися, и демонская крепость попрося. Сего ради, вернии, по долгу Тя присно поем и благословим и, Богородицу воистинну исповедающе, Тя величаем.

Песнь 7

Ирмос: Превозносимый отец Господь пламень угаси, отроки ороси, согласно поющих: Боже, благословен еси.

Прими Владычице верных Твоих прошения раб, напастей изымаючи, и от скорбей спасаючи верно поющих: Боже, благословен еси.

Иже благих Делателя Бога нам рождающая, Того умоли Матерними мольбами Чистая, ущедрити о Тебе хвлящихся.

Слава: Предстательницу непобедимую и основание непоколеблемо Тя стяжавше, и Твоим одеявшеся заступлением, Владычице, побеждаем стрельца, яже на ны, коварствия.

И ныне: Виждь смирение Твоего раба, Владычице, и вечного огня свободи мя, непрестанно поющего: Боже, благословен еси.

Песнь 8

Ирмос: Тебе, Вседетелю в пещи отроцы, всемирный лик сплетше, пояху: дела всякая Господа пойте и превозносите во вся веки.

Глаголы вкупе и мыслями хвалу, Дево, Тебе плетуще, вернии, взываем: Господа пойте и превозносите Его во веки.

Всю Тебе доброту Соломон ближнюю Богу преднаписа, яко ближайшу сущую Сему, Матерним, Девице, дерзновением сущих в мире избавляющих.

Слава: Тя по Бозе упование спасения в напастех имуще, вернии, взываем: вся дела Господня, Господа пойте и превозносите Его во веки.

И ныне: Прими песнь от худых устен, Дево Всепетая, вопиющих Ти: радуйся, болящим телом врачество и отчаянным душам спасение.

Песнь 9

Ирмос: Исание ликуй: Дева име во чреве и роди Сына Еммануила, Бога же и Человека, Восток имя Ему: Егоже величающе, Деву убожаем.

К Тебе проливаем, юже от болезни молитву нашу: помилуй нас грешных, да не посрамимся в день искушения, Тя Всемилосердную Богородицу призывающих.

Перстное сродство не презри, Владычице Чистая, но буди помощница, покрывающая, в печалех укрепляющая и избавляющая всех недужных: на Тя бо уповаем, готовую, во еже спасти нас.

Слава: Боже, услыши людей Твоих молитву ныне и избави нас вреда вражия: се Тебе приводим истинное очищение, Тебе рождающую, Юже любовью убожаем.

И ныне: Под державу крепости Твоея, Владычице, притекаем точно вси

земнорóднии, просяще мило́сти и щедро́ты Тво́я мило́стивыя, я́же проли́явши, всех нас освяти́.

В СРЕДУ Канон молебный Пресвятей Богородице

Песнь 1

Ирмос: Спаси́телю Бо́гу, в мо́ри лю́ди немóкрыми нога́ми наста́вльшему и фарао́на со всево́инством потоп́льшему, То́му Еди́ному по́йм, я́ко просла́вился.

Припев: Пресвята́я Богоро́дице, спаси́ нас.

Светоно́сная ски́ние Царя́ Христа́, озари́ мою́ мысль, омраче́нную ле́стию борца́ и тьмо́ю ослепле́нную прегреше́ний мои́х.

Помышле́ний лука́вых смире́нную мою́ ду́шу, Богороди́тельнице, свободи́ и жили́ще Бо́гу сию́ соде́лай, да по до́лгу Тя сла́влю все́гда.

Слава: Егда́, повеле́нием Бо́жиим, от вре́менных жи́зни отыти́ хо́щу, Пречи́стая, бесо́вския ру́ки покажи́ мя вы́шша, а́нгелы подаю́щи спúтники мне.

И ныне: Вску́ю, о душе́, во уны́нии мно́зе все жити́е ижди́ла еси́? Потщи́ся у́бо прочее́ и возопи́й Госпо́дни Ма́тери: очи́сти и спаси́ мя, Богороди́тельнице.

Песнь 3

Ирмос: Си́лою Креста́ Твоего́, Христе́, утверди́ моё помышле́ние, во е́же пети́ и сла́вити тридне́вное Твоё́ Воскресе́ние.

Из ро́ва страсте́й и муче́ний возведи́ мя, несумне́нно пою́ща Тя, Богоро́дице Всеблаже́нная.

Вре́тище моё́ расто́ргни безме́рных прегреше́ний мои́х, и весе́лием опоя́ши добродете́лей, Богоблагодáтная.

Слава: Ка́плю ми, Чи́стая, слез пода́ждь, я́ко да отжену́ се́рдца моего́ недоуме́ние и приле́жно воспою́ Тя.

И ны́не: Низложи́, Пренепоро́чная, враг безплóтных шата́ние, и тех томле́ния вско́ре свободи́ мя.

Песнь 4

Ирмос: Услы́шах слух си́лы Креста́, я́ко рай отвёрзеся́ им, и возопи́х: сла́ва си́ле Твое́й, Го́споди.

Вску́ю уподо́билася еси́, душе́, непло́дней смоко́внице, ника́коже бо́ящися посече́ния и пла́мене ве́чнаго? Ускори́ у́бо пре́жде конца́ и возникни́.

Кий язы́к изрече́т соде́янных мои́х зол безме́рное мо́ре и глубину́ прегреше́ний? Спаси́ мя, Де́во Пренепоро́чная, отча́яннаго.

Слава: Себе́ пла́чу, егда́ во ум прииду́ мно́гих мои́х прегреше́ний и огня́ негаси́мага, и молю́ Тя, да́ти ми вре́мя пока́яния, Чи́стая.

И ныне: Да не восхитит, я́ко лев, стропти́вый враг ока́янную мою́ ду́шу: но Твое́ю си́лою душе́тленныя сокруши́ зу́бы его́, Благо́я.

Песнь 5

Ирмос: Утрене́юще вопи́ем Ти, Го́споди, спаси́ ны: Ты бо еси́ Бог наш, ра́зве бо Тебе́, ино́го не зна́ем.

При́зри и услы́ши, Влады́чице, глас мой, и изба́ви мя, молю́ся, ве́чнаго осужде́ния.

Уязви́хся греха́ стрела́ми и вопию́ Ти: уврачу́й, Пречи́стая, се́рдца моего́ я́звы.

Слава: Помилуй мя, Еди́не Человеколю́бче Ще́дрый, моли́твами Ро́ждшия Тя: Ты бо ми еси́ Бог и Господь.

И ныне: Помилуй мя, Еди́на Всепе́тая, молю́ Твою́ бла́гость, и ми́лости сподо́би.

Песнь 6

Ирмос: Обы́де мя бездна, гроб мне кит бысть, аз же возопи́х к Тебе́ Человеколю́бцу, и спасе́ мя десни́ца Твоя́, Го́споди.

Яко лев рыка́я, льсти́вый и́щет мя расто́ргнути и показати́ снедь свое́й зло́бе, Чи́стая: но сего́ вре́да свобо́ди мя.

Очи́сти, Человеколю́бче, моли́твами чи́сто Ро́ждшия Тя, и изба́ви мир Твой от вся́кия ско́рби и ве́чныя сла́вы сподо́би.

Слава: Обы́де мя бездна прегреше́ний, во глуби́ну низве́дши отча́яния: молю́ся, Чи́стая, возведи́ от преиспо́дняго а́да, Тебе́ сла́вящаго.

И ныне: Жити́е мое́ исполнися прегреше́ний и вся́кия ле́ности, те́мже к пока́нию пре́жде кончи́ны моея́, Чи́стая, обрати́ и спаси́ мя Препе́тая.

Таже: Го́споди помилуй, *трижды.* Слава, и ныне

Седален, глас 5:

Подобен: Собе́значальное Слово:

Ра́дуйся, стено́ твёрдая Богопобе́дная, ра́дуйся, паде́ние ва́рваров всевоева́нное, ра́дуйся, возведе́ние ве́рных царей, Богоро́дице, войстинну упова́ющих на Тя, моли́твами Твои́ми изба́вляющи нас от бед вся́ческих и от безбо́жных враг.

Песнь 7

Ирмос: В пе́щи о́гненной песносло́вцы спаси́й о́троки, благослове́н Бог оте́ц на́ших.

Нево́льных зол и во́льных прощ́ение Твое́ю бла́гостию, Влады́чице, пода́ждь ми.

Изнемога́ет мой ум, прило́ги нече́стия лука́вых по́мысл: помози́ ми, Блага́я.

Слава: Душе́вных моих страсте́й ра́ны, Богоро́дице, Твои́х моли́тв лечба́ми ны́не исцели́.

И ныне: Сокруше́нну ду́шу и по́мысл смире́н, пода́ждь ми, Блага́я: я́ко да сла́влю Тя.

Песнь 8

Ирмос: Из Отца́ пре́жде век ро́жденнаго Сы́на и Бо́га, и в послед́няя ле́та воплоще́ннаго от Де́вы Ма́тере, свяще́нницы, по́йте, лю́дие, превозносите́ во вся ве́ки.

В ле́ности жити́е сконча́в окая́нный, и прибли́жився к концу́ живота́ моего́, зыва́ю Ти, Богоро́дице: сопроти́вных исхити́ сетей смире́нную мою́ ду́шу.

Телесных боле́зней, ран лю́тых душе́вных и страсте́й настоя́ния истязу́ему, Твоего́ Ца́рствия си́лу ми пода́ждь, я́ко Еди́на ми́лостива.

Слава: В пучи́не жити́я обурева́ема и бесо́вскими волна́ми погружа́ема, спаси́, Чи́стая, и Божество́нному устремле́нию, к благоуго́дному жити́ю введи́ мя, Отрокови́це.

И ныне: Я́ко в невестный черто́г входя́я, Де́во, Гаври́ил по́слан: ра́дуйся, возопи́, глаго́ля, пресла́вная Пала́то всех Царя́ Христа́, в Ню́же вселься, земны́я вся обожи́.

Песнь 9

Ирмос: Тя па́че ума́ и словесе́ Ма́терь Бо́жию, в ле́то Безле́тнаго неизрече́нно ро́ждшую, ве́рнии, единому́дренно велича́ем.

Тя, Юже Бóга несказáнно рóждшую, заступни́цу стяжа́хом и стéну недви́жиму, и душáм спасéние, и чудесéм истóчник.

Милóстив б́уди ми, Слóве истиннаго Бóга, в день судá, мольбáми Рóждшия Тя: и с́ущим одесн́ую Тебé сочета́й.

Слава: Избáви мя, Чистая, огня вéчнующаго и неусыпа́ющаго чéрвия, и вся́кия м́уки, на Тя наде́жду возлóжшаго.

И ныне: Егда́ хóщет душá моя́ разлучи́тися от окая́ннаго моего́ телесé, невиди́мых враг томи́тельства избáви мя, Богоневéстная.

В ЧЕТВЕРТОК Канон Пресвятей Богородице

Песнь 1

Ирмос: Коня́ и всáдника в мóре Чермнóе, сокруша́яй бра́ни мь́шцею высо́кою, Христóс истрясé: Израи́ля же спасé, побéдную песнь пою́ща.

Припев: Пресвята́я Богорóдице, спаси́ нас.

Други́й рай зна́ем Тя мы́сленный без сравнéния, Дéво Богоневéсто, одолева́ющий и́же во Еде́ме раю́, Богомáти: Ты бо нетлéние челове́ком прозяблá еси́.

Дре́во жи́зни объя́ти в рай Ада́м возбранéн бысть, от дре́ва причасти́вся разу́мнаго: беземéртие же подаде́ плоть от Тебé, Дéво, Приéмый.

Слава: Пéрвее от земли́ создáн бысть Ада́м, Пречи́стима рука́ма Вседержи́теля: от Тебé же, Богорóдице Дéво, роди́ся без се́мене но́вый Ада́м, Зижди́тель челове́чества.

И ныне: Бэ́дна послéдняя обы́де мя безмéрных прегрешéний, и во глубин́у низвóдит мя лю́таго отчая́ния: Рóждшая бэ́дну милосéрдия, ускори́ и спаси́ мя.

Песнь 3

Ирмос: Водрузи́вый на ничесóмже зéмлю повелéнием Твои́м и повесивый неодо́ержимо тяготéющую, на недви́жимем Христé, ка́мени за́поведей Твои́х Цéрковь Твою́ утверди́, Еди́не Бла́же и Человеколю́бче.

Иже живóтным садóм зéмлю сотвори́вый роди́тельницу, не с́ущим на ней пéрвее, от Неискусóмужныя Жены́ áбие, я́ко от земли́, безсе́менный воплоща́емь пришéл еси́, Слóве Бóжий неизмéнный.

Ты еси́ земнорóдных наде́жда и пóмощь, и рáдость, и покрóв, и прибе́жище, Влады́чице Мáти Животá. Тэмже мо́лим: Твою́ пóмощь низпосли́ всем пою́щим Тя.

Слава: Недугу́ющи, напáстьми лю́тыми одержи́ми, Вседéтелю Щéдре, Иже вся́ческих Бóже, Трисвя́тую Твою́ Ски́нию приводим Ти вси в моли́тву и вопи́ем Ти; разреши́ обдержáния раб Твои́х.

И ныне: Смуща́ет мя лю́те грехóвная волна́, во глубин́у прегрешéний низвлеча́, Пречи́стая, и б́уря сопроти́вных помышлéний обурева́ет д́ушу мою́: Окорми́теля рóждшая, ускори́ изья́ти раба́ Твоего́.

Песнь 4

Ирмос: Божéственное Твоé разумéв исто́щание, прозорли́во Аввакúм, Христé, со трéпетом вопи́яше Тебé: во спасéние людéй Твои́х спасти́ помаза́нный Твоя́ пришéл еси́.

Ева повину́вшись зми́ю, роди́ печáль жена́м: Ты же, Дéво, véровавши Бóжиим вещáнием, все́му ми́ру рáдость процвела́ еси́.

Пéрвее от ребр Ада́мовых рожде́на Ева: ны́не же Бог от Мáтере Богоневéсты, Егóже воплоще́нна Дéва без отца́ родила́ есть.

Слава: Ева раду́ется, дрéвняго бо прамáтерня осужде́ния свобо́ждéну Отрокови́ца

показа́, Яже Судию́ заче́нная нетле́нно и ро́ждшая Милосе́рдаго.

И ныне: Жити́е моё прегреше́ний испо́лнися, по́мысл же стра́стен, и душа́ моя́ осужде́на: те́мже Твои́м благоутро́бием поми́луй и спаси́ мя, Влады́чице.

Песнь 5

Ирмос: Оде́йся све́том я́ко ри́зою, к Тебе́ у́тренюю, и Тебе́ зову́: ду́шу мою́ просвети́ омраче́нную, Христе́, я́ко Еди́н Благоутро́бен.

Сто́лп и о́блак све́та Тя обрётше, Де́во Ма́ти Светода́вца, и́же по пусты́ни ле́стней ходя́щей, от лю́т избега́ем.

Ра́дуйся, ро́ждшая Бо́га плото́ю, пре́жде век ро́жденнаго от Отца́ безплотне, я́витися же а́бие нам изво́лившаго.

Слава: Со́лнце победи́ся Твое́ю све́тлостию, Мари́е: Ты бо свети́лы не́бо Укра́сившаго рука́ма объяла́ еси́ и от Твое́ю сосцу́ пита́ла еси́.

И ныне: Да не осуди́ши мене́ во о́гнь негаси́мый, Христе́ Спа́се мой, мо́льба́ми Чи́стья, ро́ждшия Тя.

Песнь 6

Ирмос: Неи́стовствующее́я бу́рею душе́тле́нною, Влады́ко Христе́, страсте́й мо́ре укроти́ и от тли возведи́ мя, я́ко Благоутро́бен.

И́же в ки́те спа́сшаго проро́ка дре́вле Ио́ну, невредно носи́ла еси́ во утробе́ Твое́ю чу́днаго Бо́га, Чи́стая Присноде́во.

Держа́щаго Го́спода моря́, Пречи́стая Де́во, Бо́га небу́рно, я́коже си́лы нося́щи, сла́ное возму́щения льсти успи́ла еси́.

Слава: Все́ческих ти́шину ро́ждши, Пречи́стая, Христа́, Я́же к Нему́ благоукроти́ моли́твами Твои́ми, ю́же на мя страсте́й непостоя́нную бу́рю.

И ныне: В день печа́ли, егда́ хо́щю теле́сных соу́з разреши́тися, предста́ни ми и обдержа́ния бесо́вскаго исхити́.

Таже: Го́споди поми́луй, *трижды.* Слава, и ныне

Седален, глас 5:

На Кресте́ зря́щи Тя, Христе́, Ма́ти Твоя́, волею́ посреде́ разбо́йнику́ ви́сяща, растерза́ющися ма́терски утробо́ю, глаго́лаше: безгреше́не Сы́не, ка́ко непра́ведно на Кресте́ я́коже злоде́й распя́тся, И́же челове́ческий оживи́ти хотя́ род, я́ко Преблаги́й?

Песнь 7

Ирмос: Прево́зноси́мый отце́в Го́сподь пла́мень угаси́, о́троки ороси́, согла́сно пою́щия: Бо́же, благослове́н еси́.

И́же к пра́отцу́ Авра́аму пришество́вие Бог соверши́, Сын Твой́ быв: и се́мя его́ во язы́ки благослови́, Благослове́нная.

Ты Ле́ствица еси́ Иа́ковля нескве́рная: Ма́терь бо Еди́ну Тя Бог написа́, Ея́же ра́ди Бог совоку́пи о́наго исча́дия.

Слава: Прево́зноси́мый со Отце́м и Ду́хом Сын, избра́в Тебе́, Чи́стая, zeló возлюби́ в жили́ще Себе́ воплоща́емь.

И ныне: Бо́га, Его́же родила́ еси́, всегда́ моли́ отча́яннаго мя спасти́ и улучи́ти просты́ню¹, ве́рою вопию́щему: Бо́же, благослове́н еси́.

¹ Прощение.

Песнь 8

Ирмос: Тебѣ, Вседѣтелю, в пещи ѓтроцы, всемирный лик сплѣтше, пояху: дела всякая, Господа пойте, и превозносите во вся вѣки.

Испытания Твое убегает Рождество Дѣво, верою же является вопиющим: вся дела Господня, Господа пойте и превозносите Его во вѣки.

Всяко девическия не отпадши славы, матерскою обогатилася еси чѣстию, Безневѣстная: вѣсть Иже снѣ яве чудодѣйствовавый, Егѓже превозносим во вѣки.

Слава: Виждь, Благая Пречистая, смиренныя моея души озлобление, и болѣзнь прменнѣ вскорѣ: да Тя славлю во вѣки.

И ныне: Приими милостивно Твою Матерь, Слове, молящуюся спасти Твоя люди, Блаже, яже стяжал еси честною Твоею кровию: да Тебѣ благословим во вся вѣки.

Песнь 9

Ирмос: Исаие, ликуй: Дѣва имѣ во чрѣве и роди Сына Еммануила, Бога же и Человека, Восток имя Ему: Егѓже величающе, Дѣву убожаем.

Богородице Владычице, умоли поклоняемую Троицу, от Неяже безстрастно Единого плотию нам родила еси, умирити сущия на земли, и разрешению прегрешений поющим Тя дароватися.

Аще и Един разумѣется Лицем Еммануил, но Естеством сугуб: се бо две возвещая воли, яже в Нем и дѣйства, Егѓже Родительницу Богородицу исповѣдуем.

Слава: Себѣ рыдаю помышляя моих грехов множество и страстей возшествия, души моея уныния и ума моего изступления, отчаяннаго мя, спасения сподоби.

И ныне: Врази мой нашѣдше, Господи, якоже разбойницы, вышнюю светлую и световидную одежду совлѣкше, и раны ми наложиша многи: Ты, представши, еле жива возстави.

В ПЯТОК

Канон молебный Пресвятей Богородице

Песнь 1

Ирмос: Коня и всадника в море Чермное, сокрушаяя брани мышцею высокою, Христос истрясѣ: Израиля же спасѣ, побѣдную песнь поюща.

Припев: Пресвятая Богородице, спаси нас.

Вси Тя человечестию роди хвалят, яко древле, Дѣво, пророчески прорекла еси: и менѣ убо приими поюща Тя, Владычице, и просвети, и вразуми.

Притупила еси смерти жало и мирский грех Дѣво, истинную рождши Жизнь, еяже ради, Владычице, притупи страстей моих острия стрѣлы вскорѣ.

Слава: Единая испещрена девическими ряснами от вѣка явльшися, смоковную ризу Адамову Ты расторгнула еси: темже мя ныне облецы целомудрия одеждею молитвами Твоими.

И ныне: Богатство и Божественную славу стяжала убо многи дщери прежде яве, но без сравнения, Владычице, Ты всех превозшла еси. Темже мя ныне обогати Небесными и Божественными благодатьми.

Песнь 3

Ирмос: Водрузивый на ничесомже землю повелением Твоим и повесивый неодолимо тяготящую, на недвижимем Христѣ, камени заповедей Твоих Церковь Твою утверди, Единые Блаже и Человеколюбче.

Глубина и высота в Тебѣ познавашеся, Дѣво Пречистая, Божией Мудрости

непостижимей, от Твоих ложесн рождающейся: ёуже глубины сердце моё избави мудрований змииных.

Иже прежде пернатя, и гады, от воды составил еси словом, не сущия прежде: Ты абие, Христё, от крове Чистыя Дёвы Божественнаго Твоего воплощения одежду странну устроил еси.

Слава: Ты Единая очищение явилася еси естеству, Пречистая, в Нюже огонь Божественный неопально вселься, сие очисти яве: Ты убо согрешений и страстей моих скверну очисти и Твоими молитвами просвети мя.

И ныне: Чашу новаго винограда рождия, напоющую яве верныя во оставление согрешений, Тя, Пречистая, ведый, молю: испущением Божественныя воды напои сердце моё.

Песнь 4

Ирмос: Божественное Твое разумёв истощание, прозорливо Аввакѹм, Христё, со трепетом вопиаше Тебё: во спасение людей Твоих спасти помазанныя Твоя пришёл еси.

Неоранна Ты явилася еси бразда, несёянный Божественный прозябшая Клас, Имже алчуца мя накорми Божественными дарованьми же и благодатьми.

Боляща мя искренно смертне и душевных страстей огнём содержима, Владычице, молив Твоих водою напоивши, вскоре возстави.

Слава: Яко сущий Божий Град одушевлён, егоже реки мысленныя веселят стремления, молив Твоих столпом души моея храмину утверди.

И ныне: Облак Тя ведый, ождивший Правду истинную, молю, Пречистая Владычице, от всех обидящих мя избавити раба Твоего вскоре.

Песнь 5

Ирмос: Одейся светом яко ризою, к Тебё утренюю и Тебё зову: душу мою просвети омраченную Христё, яко Един Благоутробен.

Возмущение и волну греха, и страстей моих, Дёво Владычице, до конца утиши, безстрастия рождши Виновнаго.

Постав¹ сый свыше Христов явися благолепия одежды Божественныя, добродетелей одеждею Чистая, обнажённую душу мою облещи.

Слава: Очищение ми даруй согрешений Твоими мольбами, Чистая Дёво, Яже очищение Божественное рождающая нам Христа и Господа.

И ныне: Струпы, язвы и гноения греховная, рукодействия молитвами потреби ми, Дёво, и силу рабу Твоему подаждь.

Песнь 6

Ирмос: Неистовствующееся бурею душеленною, Владыко Христё, страстей море укроти и от тли возведи мя, яко Благоутробен.

Яже Свет рождающая светилам творительный, душу мою ныне просвети, и избави от страстей омрачения, Всесветлая.

Мёрры Усладившаго воды прежде Богородице, Твоего Сына моли избавити мя страсти лютыя и горести вскоре.

Слава: Возмущает поток страстей душу мою, Пречистая: но сего иссуши молитвами Твоими и помыслы лукавыя потреби.

И ныне: Христос, избавляя человеки, прииде от Сиона, из чрева Твоего, Владычице Пренепорочная: Имже и мене от напастей избави и скорбей.

Таже: Господи помилуй, *трижды.* Слава, и ныне

¹ Ткацкий стан.

Седален, глас 5:

Вскую унываючи, душе страстная, забыла еси Бога Твоего, милующаго тя? И повеления Его преобидевши, в блуде житие скончавашаеши умовредно: отступи от злобы, Богородице вопиющи: отчаянную душу мою помилуй.

Песнь 7

Ирмос: Превозносимый отец Господь пламень угаси, отроки ороси согласно поющия: Боже, благословен еси.

Ужасаются и трепещут Твоего призывания, Пречистая, бесовстии полцы: от нихже избавляющи мя спаси и соблюди, покрывающи от всякаго вреда.

Неизглаголанная Слава Твоя, Дево, славы бо Господа родила еси: темже мя сподоби славы Сына Твоего и Бога моего, Твоими молитвами.

Слава: Преклонися к мольбам Твоего раба, Владычице, и избави мя вскоре бед и скорбей, и всяких искушений, видимых и невидимых.

И ныне: Всего мя страстьми студа, Пречистая, окалявшася и осквернившася, чистотою омыи и уясни Дево молитвами Твоих окроплений.

Песнь 8

Ирмос: Тебе, Вседетелю, в пещи отроцы, всемирный лик сплетше пояху: дела всякая Господа пойте и превозносите во вся веки.

Вода неплодствия страстна, души моя ложесна неплодна сотвори и изсуши: одожди ми, легкий Облаче, Божественную росу, яко да возвращу плоды покаяния.

Волну помышлений страстных и бурю утиши, Пречистая, Твоими молитвами: направи же мя к течению безстрастия, да Тя славолю тепле во веки вся.

Слава: Двере мысленная и затворенная врата, иже Един пройде Бог, двери загради и заключи страстей моих и упования отверзи ми врата.

И ныне: Возми от мене прегрешений бремя, Мати Дево, Яже Единая вземлющаго мира всего весь грех рождающая несказанно Агнца Божия и Слова.

Песнь 9

Ирмос: Исание, ликуй: Дева име во чреве и роди Сына Еммануила, Бога же и Человека, Восток имя Ему: Егоже величающе, Дево ублажаем.

Осквернив яко человек душу мою прегрешеньми многими и страстьми плотскими окалявся, Тя молю ныне прилежно и мил ся дею: очисти мя, Чистая, Твоими молитвами от всякия злобы.

Волителя милости родила еси, щедрот Человеколюбца Бога, Единого благого, долготерпеливаго и благоутробнаго: Егоже благопременна покажи ми, Чистая, Твоими мольбами, и согрешений разрешение подаждь.

Слава: Дреманием одержима уныния, и сластьми спяща мя ныне, Владычице, раба Твоего воздвигни к добродетелем деяний благих, неусыпными Твоими Матерними молитвами.

И ныне: Благословя благословлю Тя, Пречистая, и величаю тепле: благослови мя убо Твоего певца, и всяческих нуждных и печальных избави, и сохрани Твоима дланьма непобедима.